

Na osnovu člana 76. stav 1. i člana 64. stav 1. tačka h) Zakona o visokom obrazovanju („Službene novine SBK/KSB“ broj: 4/13), a u vezi sa članom 81. i 82. Statuta Sveučilišta/Univerziteta “VITEZ“ Vitez (u daljem tekstu: Sveučilište), Senat Sveučilišta na 4. sjednici održanoj dana 30.01.2021. godine, donosi

ODLUKU
O DONOŠENJU PRAVILNIKA O DODJELI POČASNOG DOKTORATA NAUKA
(GRADUS DOCTORIS HONORIS CAUSA)
SVEUČILIŠTA/UNIVERZITETA “VITEZ“ Vitez

Član 1.

Senat Sveučilišta donosi Pravilnik o dodjeli počasnog doktorata nauka (gradus doctoris honoris causa) Sveučilišta.

Član 2.

Pravilnik iz člana 1. čini sastavni dio ove Odluke.

Član 3.

Pravilnik iz člana 1. ove Odluke stupa na snagu danom donošenja i bit će objavljen na web stranici i istaknut na odlasnoj ploči Sveučilišta.



PREDSJEDNIK SENATA

prof. dr. sc. Mirko Puljić

Dostaviti;

- Kadrovska služba
- Pravna služba
- a/a

SVEUČILIŠTE/UNIVERZITET “VITEZ“ VITEZ

**PRAVILNIK O DODJELI POČASNOG DOKTORATA NAUKA
(GRADUS DOCTORIS HONORIS CAUSA)
SVEUČILIŠTA/UNIVERZITETA “VITEZ“ VITEZ**

Januar, 2021. godine

Na osnovu člana 76. stav 1. i člana 64. stav 1. tačka h) Zakona o visokom obrazovanju („Službene novine SBK/KSB“ broj: 4/13), a u vezi sa članom 81. i 82. Statuta Sveučilišta/Univerziteta “VITEZ“ Vitez, Senat Sveučilišta na 4. sjednici održanoj dana 30.01.2021. godine, donosi

**PRAVILNIK O DODJELI POČASNOG DOKTORATA NAUKA
(GRADUS DOCTORIS HONORIS CAUSA)
SVEUČILIŠTA/UNIVERZITETA “VITEZ“ VITEZ**

I DIO - OPĆE ODREDBE

Član 1.

Pravilnikom o dodjeli počasnog doktorata nauka (gradus doctoris honoris causa) Sveučilišta/Univerziteta “VITEZ“ (u daljem tekstu: Pravilnik) pobliže se uređuju uvjeti za dodjelu i postupak dodjele počasnog doktorata nauka Sveučilišta/Univerziteta “VITEZ“ (u daljem tekstu: Sveučilište).

Član 2.

- (1) Sveučilište može dodijeliti počasni doktorat nauka istaknutim naučnicima, nastavnicima i uglednim javnim djelatnicima iz Bosne i Hercegovine i inostranstva za izuzetne doprinose u razvoju nauke, umjetnosti, obrazovanja, kulture i humanosti, te društvenog i javnog života kao i za promociju ideja slobode, ljudskih prava i suživota.
- (2) Pod izuzetnim doprinosom smatra se vrhunski naučni, nastavni ili drugi javni doprinos domaćeg i međunarodnog značaja.

II DIO - POKRETANJE I SADRŽAJ INICIJATIVE

Član 3.

- (1) Obrazloženu inicijativu za dodjelu počasnog doktorata nauka (u daljem tekstu: Inicijativa) podnosi Senatu Sveučilišta Nastavno-naučno vijeće organizacione jedinice iz naučne oblasti osobe koja se predlaže, uz saglasnost rektora.
- (2) Inicijativa iz stava (1) ovog člana mora sadržavati opis i dokaze izuzetnog doprinosa osobe koja se predlaže za dodjelu počasnog doktorata u smislu člana 2. ovog Pravilnika.
- (3) Dokaz iz prethodnog stava ovog člana podrazumijeva priznanja, zahvalnice, certifikate, dokaz o članstvu u udruženjima, te ostale dokumente koji potvrđuju odredbe člana 2. ovog Pravilnika.

Član 4.

Obrazloženje Inicijative obavezno sadrži:

- a) biografske podatke kandidata koji se predlaže za dodjelu počasnog doktorata nauka,
- b) mišljenje o naučnom i/ili nastavnom i javnom radu, ocjenu doprinosa kandidata u razvoju nauke, obrazovanja, kulture i humanosti, te društvenog i javnog života,
- c) ocjenu uloge kandidata za promociju ideja slobode, ljudskih prava i suživota i
- d) obrazloženje razloga zbog kojih se predlaže dodjela počasnog doktorata nauka.

III DIO - PROCEDURA DODJELE POČASNOG DOKTORATA NAUKA

Član 5.

- (1) Inicijativu Nastavno-naučno vijeće organizacione jedinice iz naučne oblasti osobe koja se predlaže sa obrazloženim prijedlogom upućuje na sjednicu Senata Sveučilišta.
- (2) Senat imenuje Komisiju za dodjelu počasnog doktorata nauka koju čini 5 (pet) članova i to:
 - a) 1 (jedan) član iz oblasti kojom se kandidat za dodjelu počasnog doktorata nauka bavi,
 - b) 2 (dva) člana iz akademske zajednice;
 - c) 1 (jedan) član iz reda Nastavno-naučnog vijeća organizacione jedinice koja je nosilac Inicijative,
 - d) 1 (jedan) član iz šireg društvenog okruženja.
- (3) Komisija razmatra Inicijativu i daje svoje mišljenje, koje dostavlja Senatu Sveučilišta.
- (4) Konačnu Odluku o dodjeli počasnog doktorata nauka donosi Senat Sveučilišta.

IV DIO - PROMOCIJA POČASNOG DOKTORATA NAUKA

Član 6.

- (1) Promociju počasnog doktorata nauka zakazuje i obavlja rektor Sveučilišta u prisustvu prorektora, dekana i prodekana organizacionih jedinica Sveučilišta.
- (2) Promocija počasnog doktorata nauka obavlja se u pravilu na prigodnoj svečanosti povodom Dana Sveučilišta, a diplomu uručuje rektor.
- (3) Dodjela počasnog doktorata nauka je javna i svečani je događaj za Sveučilište kojim predsjedava rektor, a svaki počasni doktor nauka osim časti i naslova prima na sebe čuvanje ugleda i dostojanstva Sveučilišta.
- (4) Na svečanosti dodjele počasnog doktorata nauka dekan organizacione jedinice koja je nosilac inicijative izlaže izvod iz biografije osobe kojoj se dodjeljuje počasni doktorat, te opis izuzetnog doprinosa počasnog doktorata u smislu člana 2. ovog Pravilnika.
- (5) Diploma počasnog doktora nauka pisana je latinskim jezikom, ovjerena potpisom rektora i dekana organizacione jedinice koja je nosilac Inicijative, te opečaćena suhim žigom Sveučilišta utisnutim u pečatni vosak.

Član 7.

- (1) Sveučilište vodi posebnu evidenciju o dodjeljenim počasnim doktoratima nauka.
- (2) Sažeci biografija počasnih doktora nauka će biti objavljeni na službenoj web stranici Sveučilišta.

V DIO – ODUZIMANJE POČASNOG DOKTORATA NAUKA

Član 8.

Počasni doktorat nauka oduzet će se, ako je dokazano da njegov nositelj ne poštuje načela na osnovu kojih mu je i dodijeljen počasni doktorat nauka.

Član 9.

- (1) Nastavno-naučno vijeće organizacione jedinice koja je nosilac Inicijative ili rektor podnose Senatu prijedlog sa obrazloženjem za oduzimanje počasnog doktorata nauka.
- (2) Senat Sveučilišta imenuje Komisiju za ocjenu prijedloga za oduzimanje počasnog doktorata nauka koju čine 3 (tri) člana u skladu sa članom 5. stav 2. ovog Pravilnika.
- (3) Komisija iz prethodnog stava ovog člana upućuje Izvještaj Senatu.
- (4) Izvještaj Komisije sadrži razloge za oduzimanje počasnog doktorata nauka sa obrazloženjem.
- (5) Konačnu Odluku o oduzimanju počasnog doktorata nauka donosi Senat Sveučilišta.

VI DIO - PRIJELAZNE I ZAVRŠNE ODREDBE

Član 10.

Izmjene i dopune ovog Pravilnika vrše se na način i po postupku za njegovo donošenje.

Član 11.

Tumačenje Pravilnika daje Senat Sveučilišta.

Član 12.

Pravilnik stupa na snagu danom donošenja.



PREDSJEDNIK SENATA

prof. dr. sc. Mirko Puljić, rektor

Broj: 187/21

Travnik, 03. 02. 2021. godine